

# Powšitkowne WOZJEWJENJA

njedźelu, 16. oktobra 2016

## **Kermuška za serbskich młodostnych**

Wšitcy katolscy serbscy młodostni su wutrobnje na kermušku Chróšćanskeje wosadneje młodžiny přeprošeni. Tuta budže pjatk, 21. winowca. Započatk je w 19.00 hodž. z Božej mšu w cyrkwi. Přizamknje so zabawa w Hórnikowym domje. Zastup wučinja štyri eura.

## **Kubłanski dzeń za 1. a 2. lětnik**

Dekanatne dušepastyrstwo přeprošuje džěci 1. a 2. lětnika sobotu, 22. oktobra, wot 9 do 15 hodž. do Don Boskoweho domu we Worklecach. Zajimcy njech so prošu hač do wutory, 18. oktobra, pod telefonowym čisło (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.

## **Na wulěće so ze swjatej Ludmilu zaběrać**

Towarstwo Cyrila a Metoda z.t., Chróšćanski Dom swjateje Ludmily a Domowina přeprošuja zajimowanych na kubłansku jězbu do Čěskeje Lipy, kotruž přewjedu pónđzelu, 14. nowembra, w zwisku projekta k 1.100 narodninam swjateje Ludmile. Wotjězd je w 10 hodž. z Chróšćic, nawrót wječor wokoło 20 hodž. Nimo přednoška wo swjatej Ludmili wočakuje wobdžělnikow wodženje po měsće a muzeju kaž tež komorny koncert. Zajimcy měli so hač do pjatka, 28. oktobra, pola Clemensa Škody, telefonowe čisło (0 35 91) 55 02 08 abo z mailku na [clemens.skoda@sorben.com](mailto:clemens.skoda@sorben.com) přizjewić. Přinošk za jězbu a zastaranje z jědžu wučinja džesać eurow. Městna su wobmjezowane.

## **„Po rěči lubosće žiwy być“ – Serbske eksercicije**

Za čim žedžimy drje w našim času bóle hač za dorozumjenjom a pokojom? A zdobom zdawa so někotremužkuli ćežko, měř a pokoj nańc a so wujednać – hač we wulkej politice abo doma, hač na džěle abo w towaršnosći. Tež w cyrkwi nazhoniš druhdy, zo so bóle porno sebi abo samo přećiwnje hač zhromadnje džěla. Samo cyrkwinska wzajemnosć zda so čí druhdy, zo njeje přeco „jedneje wutroby a jedneje duše“, kaž rěka w Japoštołskich skutkach (Japsk 4,32). Z konfliktow, kotrež wobstajachu w přěnich wosadach, zamóžemy wuknyć. Serbske eksercicije, kotrež so z tutej tematiku zaběraja, wotměja so wot pjatka, 28. oktobra, we 18 hodž. do njedzele, 30. oktobra, po wobjedže w eksercijnym Domje Wysoke duby w Drježdžanach. Dny rozpominanja a modlenja změja hesło „Po rěči lubosće žiwy być“. – Přizjewić měli so zajimcy pak w Chróšćicach na farje, telefonowe čisło (03 57 96) 8 04 00, pak w Haus HohenEichen, Dresdnerstr. 73, 01326 Dresden, telefonowe čisło (03 51) 2 61 64 10 abo z mailku na adresu [info@haus-hoheneichen.de](mailto:info@haus-hoheneichen.de).

Pater Willi Lambert SJ